

ХАРУУЛЫН БАЙРНЫ ТӨХӨӨРӨМЖ

1. Харуулын байр нь:

- 1.1. харуулын бие бүрэлдэхүүний нийтийн өрөө,
- 1.2. харуулын дарга, түүний туслагчийн өрөө,
- 1.3. харуулын нэг ээлжийн амрах өрөө.

Амрах өрөөнд нийтийн өрөөгөөр заавал дамжиж орохоор төхөөрөмжилнө.

Үүнээс гадна хоол, цай халаах төхөөрөмж бүхий хооллох өрөө, гар нүүр угаах, хувцас хатаах өрөө, бие засах газар байна. Цөөн тооны харуулчинтай харуулын байр хооллох өрөөгүй байж болно. Энэ тохиолдолд хоол, цай хадгалах, халаах газрыг төхөөрөмжилнө.

2. Харуулын бие бүрэлдэхүүний нийтийн өрөөнд байх эд зүйлс:

2.1. цэргийн тангараг, харуулын албыг гүйцэтгэх журам, цагийн манаач, манаа халагч, харуулын даргын үүрэгтэй холбогдсон зурагт хуудас, харуулын цэгийн бүрдлийн хүснэгт бүхий самбар;

2.2. ширээ, сандал, харуулын бүрэлдэхүүний хувийн зүйл, ариун цэврийн хэрэгсэл хадгалах шүүгээ;

2.3. “Цэргийн нийтлэг дүрмүүд”, сонин, сэтгүүл, хөлөгт тоглоом;

2.4. цаг, эмийн сан, гар чийдэн, дулаан хэмжигч, суугаа ээлжинд 2-3 цагийн манаач сонсох радио хүлээн авагчийн чихэвч;

2.5. бууны тавиур;

2.6. харуулын бүрэлдэхүүний гадуур хувцас өлгөх өлгүүр;

2.7. хогийн сав, шүүр, тосгуур.

Харуулын бие бүрэлдэхүүний нийтийн өрөөнд зурагт тавьж болно.

3. Харуулын даргын өрөөнд байх эд зүйлс:

3.1. харуулын даргын ажиллах заавар;

3.2. харуулын даргын хүлээн авах баримт бичгийн данс;

3.3. харуулын байрны тоног төхөөрөмж, эд хогшлын данс;

3.4. харуулын цэгийн байрлалын бүдүүвч;

3.5. харуулын цэгийн бүрдлийн хүснэгт;

3.6. нэг удаагийн нэвтрэх эрхийн бичигт гарын үсэг зурах эрхтэй хүн бүрийн гарын үсэгтэй нэвтрэх эрхийн бичгийн загвар;

3.7. харуулыг шалгах нэг удаагийн эрхийн үнэмлэхний загвар;

3.8. лацны тэмдгийн хэв /ломбоны дардас/-тэй тусгай хайрцаг /манаа халагчийн тоогоор/;

3.9. тавиулан, агуулах /хадгалах байр/-ыг нээх, ил зогсоолд байгаа машин /нисэх онгоц, их буу, байлдааны бусад техник/-ыг харуулаас хүлээн авах эрх бүхий албан тушаалтны нэрийн жагсаалт /жагсаалтад тэдний цэргийн цол, албан тушаал, хувийн үнэмлэхний дугаар, ямар байгууламж /цэг/-ийг нээх, хаах цагийг заах/;

3.10. саатуулах өрөөний түлхүүр;

3.11. “Цэргийн нийтлэг дүрмүүд”;

3.12. харуулын дарга, харуулын цэгүүдтэй харилцах утас, дохиоллын хэрэгсэл;

3.13. төмөр буюу төмөрлөсөн хайрцагтай нөөц галт хэрэглэл, түүний цоож

түлхүүр;

- 3.14. харуулын цэгийн хоёр ээлжийн байлдааны сум хадгалах төмөр авдар;
- 3.15. бичгийн хэрэгсэл;
- 3.16. ундны усны сав, аяга;
- 3.17. ширээ, сандал, ор;
- 3.18. хувцасны өлгүүр;
- 3.19. гэрэлтүүлгийн хэрэгсэл.

4. Харуул амрах өрөөнд тухайн ээлж амрахад зориулсан ор байна.

5. Хооллох өрөөнд байх эд зүйлс:

- 5.1. харуулын бүрэлдэхүүний гуравны хоёрт хүрэлцэхүйц ширээ, сандал;
 - 5.2. хүнсний зүйл, сав хэрэглэл хадгалах шүүгээ;
 - 5.3. харуулын нийт бүрэлдэхүүнд хоол авчрах, тэднийг хооллоход шаардагдах сав хэрэглэл;
 - 5.4. хоол халаах цахилгаан халаагуур;
 - 5.5. ус буцалгагч;
 - 5.6. сав хэрэглэл угаах тосгуур, хогийн сав.
6. Зэвсэг арчих байранд зэвсэг тавих ширээ, урт сандал, арчих материал хийх төмөр хайрцаг, гутал цэвэрлэх байранд хогийн /устай/ сав, гутал цэвэрлэх хэрэгсэл байна.
7. Харуулын баримт бичгийн хавтсанд харуулын албаны холбогдолтой зураг, үзүүлэнг байрлуулна.
8. Эд хогшлын товъёогийг өрөө бүрийн хананд өлгөнө.
9. Харуулын байрыг гал унтраах багаж хэрэгсэл, галын хор, элстэй хайрцаг, устай сав, хувин болон бусад багаж, гэрэлтүүлгийн хэрэгслээр хангана.
- Харуулын байр нь цэргийн хотхоны гадна байвал цонхонд дотроос нь түгждэг модон хаалт хийнэ.
9. Харуулын байранд орох хаалганы өмнө гутал арчих модон буюу төмөр сараалж, харуулын байрны ойролцоо хог хийх сав тавина.
10. Харуулын байрны өмнө харуул жагсах талбай, төхөөрөмжлөгдсөн буу сумлах сум авах байр, тээврийн хэрэгслийн зогсоолыг тус тус бэлтгэнэ.